

## **DRUŽENJE MUSLIMANSKE MLADEŽI SISKA, ZAGREBA I RIJEKE**



Dana 06. ožujka 2011. (nedjelja) u poslijepodnevnom satima prostorije Medžlisa "preplaviiia" je omladina. Riječ je o posjeti omladine iz Zagreba i Rijeke koji su došli na druženje sa sisačkom omladinom. Nakon zajedničkog ručka, domaćini su sa zadovoljstvom drage goste proveli svojim gradom posjetivši utvrdu Starog grada o kojoj je nekoliko zanimljivih podataka te o poznatoj bitki kod Siska ispričao glavni imam Alem ef. Crnkić. Neizostavno je bilo prošetati sisačkom šetnicom uz Kupu te napraviti jedan krug kroz centar. Po dolasku u mesdžid klanjao se akšam-namaz, a ubrzo i jacija-namaz da bi nakon jacije-namaza bila održana prezentacija rada sisačkog Medžlisa u 2010. godini te nekoliko zanimljivih prezentacija. Posebnu pažnju privuklo je predavanje Alema ef. Crnkića koji je održao za preko 50 mladih koji su popunili do svakog centimetra mesdžidski prostor. Govorio je o važnosti namaza te o stepenu omladine u islamu. Nakon predavanja, druženje se nastavilo do kasno u noć uz učenje lijepih ilahija i ugodan razgovor. Svi su se složili u jednom, a to je da ovakva druženja treba aktivnije nastaviti uz prigodne sadržaje koji mnogo znače za omladinu u R. Hrvatskoj. Posebno smo zadovoljni i ponosni na sisačku omladinu OKM-a Medžlisa koja se zaista potrudila u organizaciji i pripremi ovoga susreta i pokazalo izvrsno gostoprimstvo.



**Alem Crnkić**